

# 永樂大典

卷一萬一千五百

九十八

永樂大典卷之一萬一千五百九十八 十四巧

草 市糶根草三

宋會要乾道元年正月十一日詔知吉州葛立象措置和糶米三十萬碩  
 職事脩來持轉一官立象言吉州守臣和糶米三十萬碩除已起發外用  
 過水脚廉費一十七萬三千二百七十餘貫兵精食米八百九十餘碩並  
 係本州節省用度專一椿充上件起綱支遣職事脩來故有是命二十日  
 司農少卿張宗元言竊見筆數之下供饋至廣歲用糧一百五十餘萬碩  
 雖全仰兩浙苗米然所得不過八十餘萬碩其餘七十餘萬碩盡係坐倉  
 收糶及和糶客人米斛近蒙朝廷專委措置收糶至今方糶得坐倉并倉  
 米共一十八萬碩比之去歲猶少一十萬碩自今米價愈高縱本錢比常  
 年足備備慮折中將來米數少收糶不足乞下戶部以大農一歲經常之  
 費將諸倉先在米及已撥定諸路合發綱運會約尚欠之數却取今歲諸  
 路泛拋和糶應副江上諸軍之餘分裝發三四十萬碩赴行在其諸倉收  
 到糶本錢止糶坐倉米斛湊足一歲之用若有餘則今項椿積以增儲蓄

永樂大典卷一萬一千五百九十八

庶免收糶客米重費糶本詔江西轉運司於已科合赴淮西總領所交納  
 隆興于年上供米內改撥三十萬碩前來行在送納所有省倉并戶部糶  
 場合糶米斛司農寺更切多方措置廣數收糶相應副支達二月二十  
 五日司農少卿張宗元言今歲米價比之常年增加兩倍以上兼浙西自  
 此以後米穀日少必難糶及逐年之數欲於淮西總領所寄糶客米一十  
 萬碩以補歲用詔准西總領所委官置場和糶米一十萬碩所有本錢欲  
 從朝廷支降仍仰每旬開具糶到米數用過本錢申朝廷照會七月十日  
 兩浙運判姜詵言本司每年戶部科撥殿前馬步三司并御馬良馬驥驢  
 院并餘杭南蕩兩監馬草合用本錢米紹興三十一年四月二十九日指  
 揮取撥殿前司獻納酒坊息錢充本所有乾道元年合用馬草錢乞依已  
 降指揮取撥酒坊息錢或科撥賣有案名錢應副支遣詔今年馬草合用  
 本錢從戶部取見的實錢數於三衙酒坊息錢內殿前司四分馬步軍司  
 各三分徑自取撥充本收買却將本司今年合收椿括用錢三十萬貫除  
 朝廷科撥支使外餘數盡行起發赴左藏南庫送納椿管十二日戶部言  
 內外大軍等合用糧米萬數浩濶今歲浙西州軍早禾豐熟秋成有望欲  
 下兩浙轉運司於浙西州軍別糶米五十萬碩起赴行在省倉令項椿管

所有本錢乞於浙西逐州軍見賣度牒錢內就便裁撥九十二萬二千貫其餘開錢乞令禮部給降度牒下兩浙轉運司拘撥出賣湊數充奉從之八月十七日臣僚言訪聞去歲江西湖外和糶其弊非一不問家之有無例以稅錢均數無異二稅此一弊也州縣各以水脚耗折為名收耗米什之二三此二弊也公吏斗脚百方乞覓糧米則有使用請錢則有糜費此三弊也官以開會償債許之選以輸官然所在往往折價至於輸官則不肯受此四弊也苟四弊不去欲民之不病其可得邪乞詔有司中嚴法禁力革前之四弊仍令州縣各隨其時價之貴賤鄉土之有無依昂而損益之明與支降水脚之費俾之勿得收耗通行使用開會之類俾之無所阻節且命逐路漕臣時督察之則人皆樂輸官亦易辦上下皆得其利矣詔遂路委漕臣并提舉常平官往來巡按務盡和糶之意以革四弊如坐坐不恤奉行簡便必罰無赦以俟遣使按實十月十一日執政進呈司馬仍奏乞增債和糶及禁止加量不收糜費事上曰此事只在得人若增添債直却恐又有情弊十三日執政進呈江東常平司見在錢米數上曰可行下諸路權促趁時收糶仍不得擾擾準備不測差官前去點檢上又曰聞江西米價甚平洪遠奏曰官司所以不肯承當收糶者只緣水脚甚有所費上

水災糶萬千五百九十八

二

曰用軍中車船如何遠奏曰恐亦可同容更商議奏陳二年正月二十八日軍執進呈陳敏乞收糶客人與販米斛并撥留帥司和糶米應到本軍支遣上曰客人販米豈可糶糶帥司和糶米可撥留不得擅自支動二月十三日淮南轉運判官韓元龍奏准東路逐年收買鎮江諸軍一半本色馬草二十五萬束赴鎮江府北草場交納所用本錢每束一百文省計錢二萬五千貫文係兩浙轉運司分下兩浙州軍支撥應副本司照應本路所買馬草係是焚草八九月內收刈十月始乾裝發之間潮水不應隔江阻閉艱於津發若不別行措置竊慮遲滯有誤支遣欲於瓜洲鎮置場交受令鎮江府諸軍用船過江前來就支止是一水安是快使其監官令瓜洲監鎮或監閉巡檢兼管及本司依先降指揮別差官一員同共收納就州鎮江府北草場合千人兼行管幹更不別置官吏從之四月四日執政進呈王炎等乞化罷和糶米上曰已糶到若干汪澈等奏曰糶四十一萬料上曰聞近日民間已闕食米價必增可依住糶無至亦增其價五月十八日詔戶部別降本錢一百萬貫以錢銀會子品搭支給選委清糶官一員就和糶場照應市價措置招誘客人廣行中糶當官吏給價錢不得減越作弊其糶到卷命項如法措置仍逐旬具中尚書省六月二十六日中

書舍人王儼起居舍人陳良又言准御封附下者詳文字為臣條言和糶之弊臣不避鈇鉞之誅為陛下忠言之夫和糶之法古亦有之而今日之害獨及於民者守令之罪也何則上之所以和糶於民者不過備國之或闕爾今朝廷拋降和糶雖有定數而州縣額外所科倍之矣朝廷隆糶本於州縣而州縣虧或十不支一二矣名為和糶而朝夕誅求於呼咷楚之間郡守縣令為陛下牧民此豈不傷天之和氣而致陰陽之乖戾哉若以為國不可無三年之蓄而和糶必不可罷則不若令州縣名置一場州委司戶縣委主簿兼掌之秋成之際開場收糶少增待價以誘致之俾轉運司嚴立約束必使無斛尚之增無乞取之弊米到則直略無艱阻且散榜鄉村市鎮重行禁止豪戶之收糶則貧民下戶願出來而待錢者皆欣然而來矣若朝廷所降糶本止於官告度牒之屬當先期降付使之變轉至開場日使得本錢如是則和糶雖未嘗罷而有罷之之實其為公私之利豈不博哉乞申嚴見行條法令諸路監司覺察從之七月一日戶部侍郎方滋言今年川廣置發到馬數倍多已分撥致前馬步軍司收管養餵除舊管馬單自有歲計今新馬約度關少草數浩漸理合別項計置乞令淮南轉運司允那本錢分委官屬就揚州揚子橋瓜洲共買五十萬束和

州及裕漢口共買五十萬束照應市價收買不得科敷從之二十五日詔戶部給降茶鹽鈔引五十萬貫付湖廣總領所量州軍事力均撥招誘客人請買置場糶米其糶到米專委守臣認數括管其約束事件令戶部檢坐前後指揮行下以監行在省會下界兼監戶部和糶場鄰人傑言年來豐熟米價低平荆門襄陽鄂州之米每碩不過一十所出亦多荆門沙市鄂州管下舟車輻輳米價亦不過兩十諸州皆有倉廩可以歲貯欲望朝廷措置拋降鹽鈔下荆門軍鄂州荆南襄陽等處統諭客人承買彼得以徑去支請此得以變易錢本專委迓州通判置場收糶故有是命三年六月三日金房關連州都統制司言本司所部軍馬每月合支糧料並係四川總領所逐年立為定額措數料本錢付金州和糶按月支遣昨來本州屢經殘破艱於糶買軍糧不接不免兇那金州歲計軍糧及取撥常等諸司斛斛差夫顧船水陸駁運又官破口食倍有所費實非久計望下四川總領所依興元府洋州體例差官前來金州置場委官措置糶買如上件椿積斛斗日後未有支使即乞依例於金州夏秋兩稅糶軍糧內對換以新易陳先兌格詔禮部給降度牒三百道赴四川總領所專委官前去本州措置收糶米斛七月二十三日詔見創蓋二百萬碩倉故所有合儲

積米斛候將來秋成收糶八十七萬碩並係酌度歲計支遣外充新倉振  
辦之數戶部侍郎曾棟聞具下項一欵候秋成委行在和糶場就新倉收  
糶米三十萬碩一乾道三年委逐路轉運司糶米一百萬碩欵於內指留  
六十萬碩充內外大軍歲計外餘四十萬碩起赴行在新倉送納一今歲  
豐稔米價低小欵令漕臣收糶米一十五萬碩前來行在新倉交納一乾  
道元年降本委江東轉運沈樞收糶米斛除已糶到外尚有見在本錢可  
以糶米二萬餘碩乞收糶赴行在新倉送納以上共計八十七萬碩並係  
新倉積積之數從之閏七月二十八日教文閣直學士左朝散郎劉珙言  
和糶之弊湖南江西為尤甚朝廷知其害故嘗下蠲免之令矣遠方之民  
舉手相賀曾米數月又復分拋州縣既之極錢將何置場收糶民間關引  
無用則與白着一同每歲諸路綱運欠折少以千計多以萬計取之於此  
損之於彼儻有以革綱運之弊自可成和糶之數欵望降詔傷和糶之數  
絕白着之害以裕民力從之章欵進呈列珙劄子及進呈江西湖南常平  
米數上曰可於江西取十萬湖南五萬以充和糶之數今兩路繳回元給  
降關子庶幾不致科擾百姓為一方害也八月十三日戶部侍郎曾棟等  
言兩淮今歲豐熟可以就便和糶欵乞於揚州高郵軍和州并六合巢縣

永樂典彙卷五十九

四

令逐處守臣縣令措置置場起此秋成依市價各和糶米三萬碩共十五  
萬碩就逐處括管即不得科押戒擾擾所有本錢於建康鎮江府糶常  
平米見在本錢支撥三十萬貫如有不足錢數即於淮東茶鹽司合發今  
年寬剩鹽本錢內湊數支撥令逐州守臣縣令盡本收糶從之九月二十  
四日臣僚言伏見前月以來天作淫雨江淮浙閩皆被其害陸下憂於百  
姓夜不運寐祈天禱神啓竭情懇故能銷去積陰轉禍為福然稻穗之在  
田未刈者經此巨浸已同腐草高田雖無甚損亦多茅蕪菽粟胡麻或恐  
絕望然則今歲通諸路計之不得以為豐年明矣乞詔戶部將已拋下和  
糶未斛之數更議措節如果不可裁則乞行下逐路轉運司令約東州郡  
只得以官錢措置生倉收糶無得糶配於民從之十一月二日南郊赦昨  
奉指揮兩浙江東路州軍人戶有田一萬畝出糶和糶米二千五百碩未  
納米數已降指揮並與除放所有八千畝以上合出糶和糶米一千五百  
碩未有該載可令漕臣將未拘收合出糶米數並依除放同日南郊赦令  
歲拋下諸路州縣和糶斛米已降指揮令轉運司措置收糶毋得押配其  
間災傷去處隨輕重減除數目更不均下他處收糶十二月二日詔戶部  
支降三合同關子一十萬貫應副湖廣總領所量州軍事力均撥收糶其

永樂大典

卷一一五九八

已給降茶引二十五萬貫。仰本所相度。如安實變轉不行。即盡數繳納。赴行在。從本路總領鍾世明請也。四年二月二十九日。高郵軍駐劄御前武鋒軍都統制兼知高郵陳敏言。沿江兩淮諸軍所有戰馬。合收買草料。欲乞依三司則例。行下所屬。給錢令諸軍自行收買。詔令本路轉運司。依年例應副。五月三日。戶部言。朝廷每給降見錢。關于未茶引度。膠乳香品。搭錢銀。下江浙州軍和糴米斛。訪聞多不遵元降指揮。置場和糴。却於民間科數收糴。實為擾擾。理合列行措置。令吏不給降度。膠關引。欲改降新印會子品搭錢銀。支降本錢一百二十五萬貫。每碩大約價錢二貫五伯文。省收糴五十萬碩。鎮江府一十萬碩。計本錢二十五萬貫。會子一十四萬貫。銀五萬五千貫。見錢五萬五千貫。建康府二十萬碩。計率錢五十萬貫。會子二十八萬貫。銀十萬貫。見錢一十一萬貫。池州五萬碩。計本錢一十二萬五千貫。會子七萬貫。銀二萬七千五百貫。見錢二萬七千五百貫。隆興府一十五萬碩。計本錢三十七萬五千貫。且每碩作二貫五百文。科降緣本府米價。比之其餘。去處低賤。仍許糴本使。不盡錢認數。俟管准備充起來水脚支用。會子二十一萬貫。銀八萬五千五百貫。見錢八萬二千五百貫。今逐處各委官一員。置場收糴。仍每旬具糴到米數。并用過本錢申

永樂大典卷一萬五千五百九十八

五

三省國用司。下戶部稽考施行。從之。八月十八日。詔兩浙轉運司於浙西州軍豐熟去處。共糴米四十萬碩。從本司。委遂州官置場。依市價收糴。並限十一月終。數足。每糴及五萬碩。所委官與成二年磨勘。即不得因科擾。九月二日。隆興府言。本府蒙地降和糴米一十五萬碩。緣稅田收成。粗了稅賦。年例糴買米斛。難仰客舟。今米上江。贛吉。袁撫州。建昌軍。亦自荒歉。少得客人。般運本府。難以收糴。乞賜蠲免。詔江西轉運司。依隆興府所申。據前項所糴米一十五萬碩。拘收本錢。均撥於本路豐熟州軍。專委守臣。措置收糴。五年七月二日。大府少卿總領。准西江東軍馬錢糧葉衡言。今夏自二麥收成之後。米價日就減損。乞支降官會數百萬道。付三總領司。趁時充易錢銀收糴米糧。以為儲蓄之備。詔令左藏南庫。支降會子一百二十萬貫。均付三總領。所候秋成收糴米斛。今項格管不得擅行支用。六年正月十四日。戶部尚書曾懷等言。訪聞從來。委官置場和糴米斛。多是被牙僧公吏。與中賣之人。通同作弊。比之市直。高擡價例。贏落官錢。所委官恬不省察。或糴濕惡米。斛不耐久貯用。而腐爛失陷官物。今米已降。本錢令浙西。江東。湖北。和糴。竊慮循習前弊。欲下三總領。所及兩浙。江東。湖北。轉運司。嚴行約束。所委官。究心措置。趁時收糴。乾好米斛。如數依前

作弊仰具名奏劾。眾重其典憲。從之。十七日詔左藏南庫支降會子十二萬貫。均付兩淮總領所。差官置場收糶馬料十萬碩。四月十五日戶部侍郎江浙荆湖淮廣福建等路都大發運使史正志言。戶部去歲降本錢三百九十五萬餘貫。每斗約三百文。省為平約糶米一百三十萬碩。今乞依例支降上件銀會充本。即係戶部今秋合降之數。從本司分拋豐熟州軍隨市收糶。詔於戶部案名錢內支撥一百四十萬貫充糶本。使用五日八日淮南路轉運判官胡昉言。本路二麥苗稼豐茂。倍如常年。向去收成必廣。唯是水鄉低下去處無麥。可收兼及河間。以撥處難為收糶。欲令遂州軍支降銀會三二十萬貫。依市價收糶。積聽候朝廷科撥。或水鄉有闕食人戶於內賑借。候秋成日。却令拘收米料送納。詔令發運司依所乞措置。八月四日中書門下言。已降指揮。令兩浙轉運司收糶及取撥馬料共七十二萬三千餘碩。應副三衙等處乾道六年十月一日至乾道七年九月終一歲支遣。并收買馬草三百四十餘萬束。應副乾道七年一全年大軍支遣。今乘正是收刈之時。自合廣行儲蓄。詔令呂正己胡昉分下豐熟州軍專委官別行收糶馬料五十萬碩。馬草三百萬束。料以稻子大麥草以抽草乾共八草相兼收買。就逐處派流撥管。合用本錢。今左藏南庫支

永樂集卷一萬五千五百九十八

六

降十月八日宗正少卿兼權戶部侍郎王佐言。竊見行在日來街市米價增長。蓋緣官司和糶價數日增。竊慮日後愈見期費。有妨細民食用。今將納到綱運。并見在米約度。可以支充乾道七年歲計。使用欲乞將省倉坐倉并和糶場所糶米。並權行住糶。其糶本錢却行撥管。候米價稍平。日依舊收糶。詔戶部出榜曉諭。十二月十六日中書門下言。昨來江西湖南路每歲各有和糶米數。近年兩浙州軍豐熟。權行住糶。今歲准浙間有水旱去處。恐候來年歲計。理合措置。依舊收糶。欲令江西湖南轉運司各行下所部州軍和糶米二十萬碩。降本錢三十萬貫。江西米起赴建康府總領所。湖南米起赴鄂州總領所。撥管仍逐旋具糶到米數及價錢水脚錢。中尚書省詔江西委整茂良。湖南委司馬倬。專一措置於豐熟州軍收糶。不得播擾闕誤。二十一日戶部言。兩浙州軍乾道六年分有未起撥額降本錢一十七萬一千七百餘貫。內紹興府二萬七千七百七十餘貫。衢州五萬四百三十貫。六百三十文。台州四萬六千二百八十貫。處州七千五百貫。明州三萬一千五百貫。秀州八千二百一十六貫。七百四十八文。欲將遂州前項未起錢。委兩浙漕司於豐熟去處置場。委官收糶米料。前來豐儲倉送納。從之。七年二月九日戶部言。昨承指揮。令兩浙轉運司分拋

得熟州軍收糶馬料五十萬碩於內起發四十萬碩。赴建康府總領所承  
今年正月二十一日指揮推行住糶。竊慮有誤。軍支用秀州元糶一十萬五千碩已  
外有未糶數多。若行住糶。竊慮有誤。軍支用秀州元糶一十萬五千碩已  
糶三萬二百五十七碩七斗。未糶七萬四千七百四十二碩三斗。平江府  
元糶一十萬五千碩已糶二萬九百七十碩三斗。未糶計八萬四千二十  
九碩七斗。常平元糶三十五萬碩已糶七萬六千五百九十碩五斗一升。  
未糶七萬三千四百九十碩四斗九升。江陰軍元糶四萬碩已糶三萬碩。  
未糶一萬碩。鎮江府元糶一十萬碩已糶七萬五千碩。未糶二萬五千碩。  
已上共五十萬碩。除一十萬碩就秀州撥管外。有四十萬碩。並赴建康府  
總領所納。詔除秀州住糶外。餘依五月十二日權尚書吏部侍郎兼侍讀  
王之奇言。四川總領所和糶軍糧。通水運州軍本所自行和糶。水運所不  
道者。和糶於民。又以不足之數。免糶利路沿邊諸州稅米。將有名無實之  
錢。比折價直虧損常賦。以至邊州空虛。官吏請俸。軍兵衣糧。皆無以支給。  
不免誅求於民。常賦之外。又有此橫歛。甚非實邊之策。乞行下總領所。應  
免買諸州稅米。並行蠲免。令本所自行措置。實場收糶。從之。十三日。中書  
門下言。江淮兩浙湖南北京西州軍。今歲二麥豐熟。倍於常年。理合措置。

永樂大典卷一萬五千五百八十八

七

收糶大麥。撥充馬料。支遣。依下項。准東委徐子寅。浙西委胡堅。常鎮江  
府於撥管朝廷會子內。各支一十萬五千貫。收糶大麥各七萬碩。浙東委  
沈夏提領。南庫所支降會子一十萬九千貫。收糶大麥七萬碩。淮西委趙  
善俊。定原府於撥管朝廷會子內。支一十萬五千貫。收糶大麥七萬碩。江  
東委張松。元降付淮西總領所。兌換不盡第三界新會子內。截留一十萬  
五千貫。收糶七萬碩。湖北委呂游。於元降赴鄂州。兌換不盡第三  
界新會子內。截留一十五萬貫。收糶大麥十萬碩。湖南委司馬倬。於元降  
付鄂州。兌換不盡第三界新會子內。截留一十二萬貫。收糶大麥八萬碩。  
詔並依擬定。仍令依市價收糶。八月十七日。軍軌進呈。兩浙漕臣糶撥積  
米。上因宣諭曰。洪範八政。以食為先。而世乃不言時教。邦之有儲蓄。如人  
之有家計。欲不預辦。待乎梁克家奏曰。儒者宜知體國。若以國事比家事。  
何所不辦。同日。准東總領蔡沆言。本所撥管米。除取撥外。尚有米一萬六  
千餘碩。雖近蒙指揮。令江西和糶米內。取撥一十萬碩。赴本所撥管。若無  
他欠。除運破耗外。通不滿十萬碩。乞科降官會本錢。付所委官。詣處買  
場。依時價收糶。同本所見。撥米一處。撥管。詔令鎮江府於撥管朝廷會子  
內。支撥四十萬貫。付蔡沆收糶二十萬碩。與見撥米一處。撥管。十一月十

# 永樂大典

卷一一五九八

七日大理正兼權吏部郎官馬大同言被旨差借置拘在江東轉運司和  
糶米斛今條具下項一江東運司糶米本錢內度牒五百道恐期限既迫  
難以變轉乞許將自今未賣度牒與換作官會子行用一緣江東轉運係  
在建康置司其運使張維自合日下起發往本路州軍措置收糶外未審  
大同合與不合亦去前路州軍欲令大同從便相度施行一所拘催和糶  
到米斛候見成數乞徑令本路轉運司隨所在和糶去處令項椿管如有  
移易借用去處依摺支封椿錢物法徒二年不以覺舉去官赦降原減斷  
罪並從之八年六月二十一日詔知江陰軍滿向於本軍置場和糶到米  
三萬碩並係本軍自行收糶不曾下縣可持轉一官與陞推差違九月二  
十六日詔胡元質依已降指揮收糶米一十萬碩隨市價支還價錢每三  
日一次具實直市價申三省樞密院十月二十八日權吏部尚書兼提領  
左藏南庫張津言省倉下界係在開外水道疏通容船順使自來收糶客  
米多是本處置場豐儲倉收糶米斛已是多日糶到米數日不多竊恐過時  
今欲乞於下界更置一場委官收糶椿管從之十一月十一日詔浙西諸  
州軍今年和糶米斛共六十二萬碩除秀州已糶米一十萬碩赴豐儲倉  
送納外平江府取撥一十萬碩常州一十二萬碩並起發赴淮東總領所

永樂集卷一百五十八

八

大軍倉交納令本府守臣與總領同共認數椿管不得擅行支使餘並盡  
數起發赴行在豐儲倉送納十二月十三日中書門下言湖廣總領所椿  
管米見在數目不多訪聞江西湖南及黃州漢陽軍等處今歲豐稔米價  
每碩不過一貫四百文合措置收糶椿管詔令李安圖取撥本所見椿管  
直使會子五十萬貫委官於豐熟州軍置場趁時收糶並發赴鄂州令守  
臣認數椿管聞正月七日李安圖言本所見今就鄂州置場收糶下等大  
米每碩二貫七百省係淮南併復州等處米中等占米每碩二貫六百  
省係鼎澧州米下等占米每碩二貫三百省係淮南米朝廷行下會子不  
無折閱若用會子一貫四百文省得米一碩以見錢細算每升只計錢八  
文四分足自舊即每上件價例竊恐傳聞差誤未敢擅便施行詔令李安  
圖將昨取撥本所見椿管直使會子五十萬貫照應在市實直疾速盡本  
收糶二十六日詔兩浙江東西淮東湖北京西路轉運司准東西湖廣總  
領所將來年合收買諸軍經常馬草並據逐年實認本色數目各於管屬  
路分州軍見椿朝廷草內先次收撥津發應副支用却將本年内買到新  
草對數撥還依舊椿管不得違誤月具已取撥并已未撥還草數中尚書  
省仍各別下撥草州軍常切如法覆護以新易陳毋致腐爛及先次開具

# 永樂大典

卷一一五九八

見播單數。申尚書省。若將差來官點檢。有損壞去處。即勅本州軍陪填。及將當職官吏。取旨行遣。九年正月十一日。臣僚言。省倉豐儲倉等處。收糶米斛有二。曰坐倉和糶。曰收糶客米。其收糶客米。係戶部專置場。招接收糶客。人販到米斛。每糶及十萬頃。監官二員。各減磨勘一年。猶謂賞太優厚。而所謂坐倉和糶者。乃收糶軍人食不盡米。每遇支散軍糧之日。戶部輪委所轄釐務官。諸倉受等收糶。其米不曾出倉。而乃收糶客米之例。至有一任之內。減磨勘一二十年者。豈不使監欲乞坐倉收糶軍人情願。糶米者更不推賞從之。九月九日。詔秀州平江府合委官置場。起時和糶米五萬頃。知通認數。播管聽候朝廷指揮。限至年終收糶數足。所有合用價錢。每頃約以二百五十文省。令提領左藏南庫。所以會于支降十九日。知鎮江府黃鈞言。准指揮。踏逐本府及總領所近水次。順使空閑倉。救及無用官舍。安官置場收糶米一十萬頃。就本處播管。竊緣本府所產米穀不多。全仰淮南上江客旅米斛。接濟食用。若依市價招糶。恐傍近州縣必有客旅前來中糶。糶米一十萬頃。約用款至五十餘萬。尋若官踏逐。既無空粟。亦無官舍。亦觀可以指準。乞別措置。施行從之。二十一日。中書門下言。詔令淮東西總領所各安官置場。起時依市價收糶五萬頃。就本所認數播管聽候。

永樂大典卷一萬一千五百九十八

九

朝廷指揮所有合用本錢。內准東總領所於鎮江府淮西總領所於建府。府見播管朝廷會于內。作料次取撥。每料不得過三萬貫。如遠處播管會于數少。即疾速約度所少數目。申乞支降十一月十二日。知建康府事充江南東路安撫使兼行營留守洪遵言。本府近被旨支撥播管會于置場糶米一十萬頃。限至十二月終數足。今來止糶到米二十八萬餘石。緣本府管下水旱相仍災傷。僅及五分所收。米穀尚恐民間不足食用。雖有客販米斛。盡是細木小米。久遠不可貯儲。雖分頭差官往南收糶。其淮南州軍例皆禁止民間糶米。不得下江。安是艱於收糶。詔建康府止糶五萬頃。餘五萬頃。令淮南漕臣措置收糶。於和州無為軍并巢縣播管以上乾道會要。江少虞類苑。河北入中糧草。舊用見錢慶曆八年。後以茶鹽香藥見錢為四說。緣邊用之。茶鹽香藥為三說。近裏州軍用之。商旅不時得錢。賤市交鈔。而青糶糧斛。由是物價翔貴。米斗七。百甚者。至十錢。緣邊所入至少。而京師價倍多。其利盡歸於富商。矣。皇祐二年。茶文引舊賣百千者。得錢六十五千。至是止二十千。香一斤賣三千八百者。止得六百。鹽賣百千者。止得六十千。至三年。復更用見錢。而今商旅自使買鹽茶香藥。議者謂四說三說。與見錢之法。皆不可常守。必視邊計之薄厚。與物價之高

下以時而變通之可也。未嘗記事經世大典市糶種華。夫食者民之所急故八政以食為先况邊府所需軍儲尤不可一日闕者自中統二年省臣奉旨命戶部發鈔或鹽引令有司增其市直於上都北京西京等處募容族和糶糧以供軍需以待歉年歲以為常又在京飼馬之芻惟用河間鹽余有司以五月預給京畿郡縣之民至秋成各驗鹽數以輸之名曰鹽折草每鹽二斤折單一束須重一十斤計歲用草八百萬束折鹽四萬引此國家市糶之大略也。世祖皇帝中統二年正月以中統鈔一千二百五十定於民間市糶軍糧。聖旨宣諭左丞相耶律撻赤北京路遼管花亦撒里管民官西京遼管花亦管民官據軍前合用米糧就於本路和糶白米三萬石限明年正月已裏並要數足合用價銀。今差宣撫榮禎右三部郎中粘合安仁宣撫別吉思等管領元寶鈔一千二百五十定一同勾當仰驗市直價例酌量添加於本管民戶并不以是何投下諸色人處和糶仍將上項米如法變造細楚一千碩須安堪中食用夾布袋亦就於發去鈔內和買成造若有係官布袋盡數就用此條軍用急速米糧須要變造牢固無致沿路破綻損壞官物此事安付卿等去矣如何早令成就仰宜從長區處隨後使當起運如至日遠限不足雖足於內點視得却有帶較米數或泥突不堪食用者依夫

永樂集卷一萬五千五百九十六

十

候軍儲論罪四年正月以解鹽引一萬五千道和中陝西軍儲聖旨宣諭陝西行中書省據欽察都元帥奏告所告蒙古漢軍食用年糧比者已發鹽引五十道和中米糧以不敷食用今又和中二十九百五十四碩為無鹽引客旅處尚未給散若今年可得引一萬五千道歲止用一萬二千道俟耕種漸成再行定奪事准奏如聖旨到日據已和中米二十九百餘碩先支給鹽引二千道外今歲糧儲別支給解鹽一萬五千道送委人負責去欽察都元帥楊大淵張大悅清元瑄取管不失誤文字呈省聞奏是年三月以札馬刺丁軍糧米糧仍諭軍民官毋沮壞聖旨宣諭蒙古軍萬戶千戶百戶人等并隨處遼魯花亦管民官來百姓今遣札馬刺丁將車牛和買米糧及把馬刺丁遣去商收之人不違是誰諭旨之後敢有擾亂沮壞者寧不畏懼邪其札馬刺丁亦毋倚恃不干己事之人勿令夾帶前去無理之事勿行如違之汝等自不知懼邪五年正月諭北京西京等路市糶軍糧聖旨宣諭北京西京隆興宣慰司轉運司總管府管鷹房子打捕官諸技下官負人等據中書省奏告即日西北諸王率領民人前來歸降其間多有合贍濟人口及本路合支諸色人口糧除係官稅糧內應付外宜預為計置和糶事准奏令教中書省撥降文鈔差人於本路并不以是何投下諸色人戶內依彼中市直收糶糧斛

仍仰本路宣慰司選差廉幹官與中書省差去人將價錢同各管頭目給散無致中間虧損百姓其各管頭目亦不得推故違慢至元三年十一月以南京等處和糴糧四十萬碩中書省奏南京等處和糴米糧元擬二十八萬碩今擬糴四十萬碩奏可南京五萬碩符離一十二萬碩徐州一十二萬碩三又口一十一萬碩四年十一月奏中納官糧接續運其直平章耶律哥魯京兆客棧趙信紀震等告自己未平節次中納訖與元汴州和州大安等處軍糧為官不支價錢者奉聖旨於中統三年差發內支還到今不曾支撥事臣等議所支價錢數多切恐其間別有詐冒合無差官再行分揀見實合支數目在後接續支還奏可八年十月增添各路市直和糴糧斛御史臺承尚書省劄付為隨路常平倉合收糧斛令戶部照勘擬到可收糧七十八萬七千五百碩內擬於各路令赴河倉糧內改撥四十八萬五千碩赴各路常平倉收貯以備支用除外餘彼中價直約量扣糴三十四萬二千五百碩擬合用價鈔擬令本路於見在包銀鈔內放支若止依彼中市直收糴又恐百姓畏懼官司不肯中納宜照依當處特估餘上添分毫錢數明出榜文許諸人和中驗所納糧數盡時支價等事為不見糴糧合添價直再送本部擬以謂隨路粟價俱各不等宜令照依

各月時估來價以十分為率增一分省府准擬仍令各道提刑按察司體究是年十二月講究各路和糴米粟中書省奏今年田禾好收即日正是和糴常平倉糧之時宜增價和糴臣等宜與尚書省臣集議上是其言奉旨公議得今歲隨路多有農收去處若不官為和糴亦是百姓費耗之數如止依戶部所擬和糴糧斛實為數少及陝西五路并中興等路亦係可以糴路分再行講究可以添糴糧數及劄付御史臺行下各道提刑按察司體究施行總和糴糧米三十九萬四千六百六十碩米五萬五千碩折粟九萬一千六百六十六碩粟三十萬三千碩真定路四萬五千碩天路七萬碩懷孟路三萬碩彰德路三萬碩衛輝路三萬碩歸德府一萬碩南陽府二萬碩南京一十萬石折粟一十三萬三千三百三十碩米五萬碩折粟八萬三千三百三十碩粟五萬碩河南府一萬碩折粟一萬三千三百三十三碩米五千碩折粟八千三百三十三碩粟五千碩磁路八千碩前件別付戶部據所擬各處和糴糧斛合該價錢就於本處行用庫內逐旋放支和糴行下隨路依准中書省咨該與本省官一同議定西京路費用糧斛浩大依上都一體和糴亦不須別設和糴官專委本路正官一員不妨本職提調可當其餘路分見擬和糴糧斛除已糴到倉外未糴糧數驗各處每

月時估實直米粟價錢以十分為率添搭二分常川和糴却不得因而搭配仍委各處正官一負不妨本職專一提點據諸邑人中過糧價須要畫時畫實給付不得分毫越越亦勿令百姓畏懼官司不敢難責本部更為明出榜文常切釐勅倉官斗脚人等毋得刁蹬結攬得滯須要用官降斛糧數不到或却令百姓生受無待給付解由仍每季開坐和糴到糧斛數目各各價直中呈施行十六年七月以兩淮鹽引五萬道募客旅中納米糧中書戶部承奉中書省別付被准西淮東鹽轉運使滿傑言切見都省差官前去江南運米水陸脚價每碩不下四兩周歲不能運到雖今山東河間運司鹽課內帶收糧斛終是不見折收照得客旅往往將本江南買賣如蒙准擬許發兩淮運司鹽引五萬道分付本司官一負收管驗彼處鹽袋價鈔一十一兩六錢會計每引可中米三碩於大都并長蘆等倉收受憑客納獲米鈔給引令運司抄運呈省移咨行省撥鹽發早新白米一十五萬石到官更比江南較運省或脚價一萬定又是不勞民力如復節續中納蓄積糧斛數多深於官民兩便乞定奪事都省議得擬於大都萬斯倉通州倉中納據前項鹽引止於本部掌管憑客旅納獲米鈔銷照

永樂集卷一萬五千五百九十八

十二

無差就使關發行移兩淮運司支查鹽袋從便貨賣除已割付兩淮鹽轉運使滿傑提調裝查鹽袋候客旅賣引到彼畫時支撥毋得刁蹬得滯外仍多出文榜召募客旅照依所定碩斛中納仍釐勅倉官斗脚人等如遇客旅中納糧斛即便兩平收完毋得取要加耗分例如有違犯嚴行究治省部今將榜文一道隨此發去常川張掛毋致風雨損壞仍更行下令屬多出文榜召募客旅依所定碩斛赴大都萬億庫通州倉中送納憑客旅納獲米鈔銷照無差赴官關擬鹽引施行十九年九月以鈔三萬定隆興等處市糧米糧丞相火魯大孫右丞麥米丁等奏上都元良哈爾月亦察兒帖木兒遣人來言今年田禾好收今冬就彼處糧種甚易臣等議上都元良哈爾處宜降鈔二萬定隆興府宣德州德興府已差人視其木糧甚收成宜再降鈔一萬定令准備市糧米糧上曰此三萬定錢得米幾何對曰約得八九萬碩上是之可其奏二十年正月以鈔五千定北京糧種丞相火魯大孫平章扎撒等奏北京米糧今歲甚賤上都糧運并以後多有所用今給鈔五千定詣彼處市糧奏可是年二月發鈔萬定上都市糧種丞相火魯大孫耶律詩等奏上都米糧亦賤再給鈔一萬定令其市糧奏可是年三月以上都市糧種續發鈔五萬定賀留守等奏以上都和糧米糧

永樂大典

卷一一五九八

中書省先給鈔三萬定。今米來者多，元良哈將與丞相火魯火孫等集議，宜積降鈔五萬定。令臣等聞奏。從之。是年八月，以鈔三千定應昌路和糧糧泰讓明里不花等奏。去年以鈔三千定，應昌府和糧糧今歲彼處又賤，宜再給鈔三千定。上曰：此係汝等之事，然與曉會之人再議。如果有益聽其市糶。二十一年三月，以河間山東兩浙兩淮鹽引募諸人中糧中書戶部呈。今歲田禾已有收成，正是興販糧斛之時。今擬河間山東運司量發鹽引於大都召募客旅中納白米新粟，用元降印塔圖斛兩平收受。照依時估以十分為率，添搭二分，依驗結課鈔數扣算。合該引自聽從民便，支給仍令轉運司憑准納獲糧引米鈔畫時下場先行支查鹽袋中到糧數逐旋交付省倉收貯，以備支持。事都省准呈，別行差委運使木八刺沙後衛經歷馮庶等赴部關撥山東濟寧清滄揚州鹽引於大都萬斯倉召募諸人中納。如敏運米粟到倉畫時，合當該倉官用元降圖斛兩平收受。出給米鈔，令所委官驗客旅納獲糧數支訖，合該引目開坐花名各住籍貫逐旋申部除山東河間兩運司鹽引本部用勘合符下本司先行支查鹽袋外，換兩淮兩浙鹽引呈省，移咨行省別付各運司支給。仍驗關支出場鹽數結課。每月一次開具元關鹽引中到米粟數目申部呈省，仍多出文。

永樂大典卷一一五九八

十三

榜召募諸人依上施行。兩淮鹽引白米每引中九斗三升，粟每引中一石八斗六升。兩浙鹽引白米每引中八斗七升，粟每引中一石七斗四升。河間鹽引清滄鹽引白米每引中八斗八升，粟每引中一石七斗六升。越支盧臺鹽引白米每引中九斗一升，粟每引中一石八斗二升。山東鹽引白米每引中七斗九升，粟每引中一石五斗八升。是年四月，以鈔四千定應昌府糧糧明里不花等奏。應昌府倉廩每歲和糶米糧收貯，今宜給鈔四千定。聽其市糶。奏可。是年九月，發鹽引七萬道。鈔三萬定和糶上都糧。丞相火魯火孫等奏。臣與月亦徹兒怯來等集議上都關少糧儲非宜。去年河西之地春木丁用鹽引中糧倉狹得成就。如今上都宜以鹽引七萬道依前者奏准三萬定鈔數與之。令明安答兒木八刺沙二人專一管領和糶。中收受上是之。又曰：令斟酌收受。如多恐有泛糶。二十二年正月，以鈔五萬定，令不八刺沙和糶上都糧。不魯迷失海牙等奏。去歲上都奏准以鹽引七萬道，令市糶糧斛未嘗成就。今宜給鈔五萬定，令木八刺沙等市糶從之。是年二月，江南民田秋成，官為定例收糶。以年成價出糶。右丞盧世榮奏。政不魯迷失海牙等奏。江淮行省言。今歲浙西米價湧貴，富戶積糧貪圖高價，糶饑民不聊其生。自今歲秋成，為始。來其米價賤時，將有糶

最多之家官用錢本兩平收糶。謂如租一萬石之上者三分中官糶一分三萬石之上者平糶一半五萬石之上者三分中官糶二分官倉收貯。次年比及新陳相接之秋。價貴官高。開倉減價糶賣。年年依時收糶。糶賣米為定例。臣等議江南富戶地土廣盛。每歲所收糧斛數多。依准江淮行省所擬依時糶買於官倉內收貯。次年比及新陳相接。貧民闕食。減價賑糶。上是之。可其奏。二十三年正月。發鈔五千定市糶。沙靜隆與軍糧。平糶。都魯恭。先嘗花等奏。沙靜隆推場倉官。馬合麻言。今秋軍人經過。倉糧支給盡絕。宜給鈔二千定。聽其市糶。人奏八。就遣人未言。隆與府糧儲。聞之。宜給鈔三千定。並從之。二十四年五月。官發鹽引。聽民中糶。平糶。桑哥等奏。大都鹽引。聽從百姓和中糶。如沿路短少。交納時依數償之。此官為糶運亦多。得濟。奏可。是年十二月。以揚州杭州鹽引五十萬道。充換民糧。丞相桑哥等奏。今年田禾未嘗收成之處。百姓闕食。已行賑濟。米平無糧。恐百姓生受揚州杭州兩處。宜與鹽引五萬道。令准備兌換米糧。如歲不收官高。出糶。其價鈔亦常在。又奏浙西魚泊。係官採取歲課。計鈔三千定。宜開其禁。聽民採取。並從之。二十七年十月。增價和糶。西京糧丞相桑哥等奏。西京周回為食。糧者多。官給鈔常令市糶。若依市價。百姓未肯賣。

永樂卷一萬五千五百九十八

十四

臣等議。宜如市直例。每一十兩之上。增一兩。市糶。奏可。二十八年二月。奏還忽里牙忽思米價。平糶。不忽米等奏。忽里牙忽思係也里可溫人。去年采兒朵海。聞散人民。回去之後。那木罕太子下不倫八都兒及哈贊等。一千戶處。忽里牙忽思以馬三百一十五疋。床子四千一百四十五石。膏分給之。近以答大蠻刺真納兒都。聞奏奉旨。理其價鈔。桑哥等省官。止與馬價鈔九百三十疋。米價以疑惑米曾與之。今答失蠻八八刺真等。又奏臣等遣人計算。該鈔八千餘疋。總十一千戶處。止有哈贊一千戶。收米文帖餘時無之。上曰。哈贊一千戶。有文憑。與價鈔餘者。照勘是實。與之。二十八年五月。凡接濟軍糧。今後驗文憑給價。平糶。奏米丁等奏。北安王遣使來言。幹脫馬合謀阿里二人。自二十四年往。逃北之地。以細米六百石。市彼地貧乏。軍人今價鈔。宜奏開與之。臣等議。每石為鈔一百四十二兩。總計一千七百四疋。奏可。奏米丁又奏。今後幹脫軍士米。銀頭。足不以是。何物。宜先於臣等處。說知。與多頭。足銀。解見在何處。俟聞奏。訖。臣等遣人及物主。一同取其數目。詣何處。千戶百戶某官處。相關。分付。畢。就責彼地明白。文憑。與。然後給價。上曰。奏米丁之言。是也。不須疑惑。如卿所奏。又謂木八刺沙曰。汝亦省誤此事者。二十九年五月。奏還。不伯米牛價鈔。平

章判真平章不忽木等奏回回人不自以糧二百五十石牛一百八十隻  
於和林阿剌台處與之比者塔兒澤木八判沙奏奉旨選其直往歲阿剌  
台自許每米一石價鈔一十二錠其價甚大恣意許之無比理臣等遣人  
詢問之彼云當年上都米價每一石價鈔五十五兩今加倍與之每石為  
一百一十兩牛每隻鈔兩定計九百餘錠上口只與許多足矣成宗皇帝  
大德五年二月議運和林軍糧方略丞相答剌罕平章賽典赤等奏起運  
和林軍糧臣等備極家院御史臺一同集議世祖皇帝時每歲運二十萬  
石之上自皇帝登寶位之後增運至三十萬石今每歲額運一十五萬石  
已三年矣然運送之人欠少數多以謂當時諸王都元之末又經值次年  
牛病口瘡倒死為此夫陷然此言未可盡信見行追徵去年忽刺出來題  
說若只令幹脫之人運送多見短少其數不能盡實到官各取去脚價至  
軍上又將官糧作已糧重取價鈔似此深有空礙宜以鈔或鹽引比幹脫  
所運添其價鈔就和林等倉和糴起運亦不可如何運送或別區處臣等昨日  
行之然比及和糴成就若住起運亦不可如何運送或別區處臣等昨日  
與臺院蒙古臣僚一同集議衆人以謂苦寒之地更別有甚學畫惟令各  
部下準備掃里作站亦運運暗伯知院又言世祖皇帝時此法已行之亦

永樂大典卷一萬五千五百九十八

十五

不能成就今歲又理值風雪宜召募有產業信實之家堪委任者官給脚  
價運送一十五萬石如其短少亦易取償奉可仁宗皇帝延祐三年二月  
中糴和林糧二十三萬石中書省奏和林倉糧見有二十餘萬石若不接  
續收糴恐誤支持今曉諭多人移文各處今嶺北行省官提調和中糧二  
十三萬石奏可五年十一月繼運和林軍糧二十萬石和中二十萬石中  
書省奏今年和林多用糧數今繼運二十萬石再令和林省和中二十萬  
石又奏明年支持從今若不預行文字恐其遲誤臣等議再繼運十萬石  
和中糴十萬石奏可六年中和和林軍糧二十萬石丞相伯答沙河散  
等奏今年為嶺北行省支持軍糧已繼運和中二十餘萬石矣明年軍儲  
宜預備二十萬石臣等議宜令遼陽省所轄州縣及山後召募客旅和中  
一十五萬石西京宣慰司繼運五萬石奏可七年二月繼運和林軍糧十  
萬石大師右丞相帖木迭兒左丞相阿散等奏皇太子今首嶺北行省除  
見在糧外恐支持不敷再令預備一十萬石內和中五萬石繼運五萬石  
又啟宣德府雲州察罕腦兒三處今繼運糧米一十萬石其周迴合請糧  
人戶就令支持並從之鹽折草成宗皇帝大德八年定鹽折草數則例中  
書省劄付戶部呈大都河間等路都轉鹽運使司申照得年例合起草折

食鹽即日相近年終若不預為申覆誠恐臨時失誤本部議限養馬乾平  
例鹽折秤草八百萬束每鹽二斤折草一束須重一十斤合該折變食鹽  
四萬引即日將近春首令大都河間運司委官提調須要從新召募北  
人船戶如無於南人船戶內推派選練有抵業信實無拖欠者六綱運互  
相保承攬裝載於內若有短少各綱均陪每綱差奏養并有職人員一名  
親行管押設法關防比及蛟塚生發照依上年例四月終俱要運到下部  
處所其運司長押官候交割完備方許迴還令大都路委官須要五月十  
五日以東盡數依散人戶食用准備秤單依期赴場送納合該脚價十分  
為率先給一半候交割所載鹽貨別無短少至日全行交付於內若有短  
少於六綱合關脚錢通行指除所據押運奏差人等量事輕重停役斷罪  
如是濫雇船戶罪及運司判署官吏如蒙准呈本部依上施行都省准擬  
先具本部并運司提調正官各各職名同管不致違誤依准呈省各處納  
草限次九月終三分十月終一半十一月終八分十二月終齊足各場額  
收鹽折草數總計八百萬束白蓮西場廉正門外一十里地額收草八十  
八萬九百五十三束萬斯南場平則門外一里地額收草六十八萬五千  
九百七十八束萬斯北場平則門外一十里地額收草七十六萬八千八

永樂集卷一萬五千五百八十八

十六

百一十五束半至泉場肅清門外一十五里地額收草三十九萬三千三  
百一十一束相因西場建德門外半里地額收草七十三萬四千三百九  
十束相因東場安貞門外半里地額收草七十二萬五千二百三十七束  
湖渠東場安貞門東一十里地額收草三十七萬五千一百四十五束湖  
渠西場光熙門外北三里地額收草七十四萬七千三百三十三束千斯  
場光熙門外二里地額收草八十三萬四千七百七十七束半亭子場齊  
化門外一里地額收草四十三萬四百一十三束半鄒店場齊化門外二  
十五里地額收草四十三萬四百一十三束半白蓮東場文明門外西一  
十里地額收草四十二萬四千二百六十六束半大德元年九月定收草  
官或資例中書吏部承奉中書省別付戶部呈大都路中寶坻縣尹李榮  
等狀告元貞元年八月內大都路揭差收受元貞元年應辦鹽折草每場  
不下五七十萬束必於旬野積聚每過支草性薛丹開端赤人等少者不  
下數百一布向前爭攬支要多有疎殘收草官負不能適歷照管中有被  
擾多端不能悉舉其年收草官連年失陪短少有借債借烟有將人口事  
產折到有終身不能求仕有因此致命負死者中間利害殆非一端任滿  
止與外路州縣官一體違轉實是偏重至元貞二年五月內照算了畢除

永樂大典

卷一一五九八

其餘管草人負別行外為榮等收支草數別無短少蒙使府官赴省覆說  
 每年收受鹽折草實係錢校重事切見沿河在都倉官報數不限多寡俱  
 各先行陞等選用又有設立司倉人等倘有失陷短少一體均陪如是  
 年任滿別無短少又陞一等切謂賞罰乃國之大柄其倉官既有陞等之  
 例唯收草官獨有青而無賞似為偏員該若榮等倘在少草項下肯以輕  
 恕由此論之若依倉官例陞等似合公論不唯賞罰至明庶有激勵于後  
 本部議得無短少人負若依收糧倉官例優陞品級相應送吏部呈議得  
 收草官即比倉官劇易不同若依戶部所擬陞等似涉太優却緣每歲州  
 縣官內摘差若不明立賞罰無以激勵合無自大德元年為始收草一界  
 別無短少任滿從本路保勘明白減一資都省准擬依上施行排年草數  
 至元二十八年三百二十三萬六千九百六十一束二十九萬三千三百八十  
 一萬三千四百三十束三十年四百二十一萬三千三百六十一束三十一年  
 五百六十八萬六千九百三十九束元貞元年五百五十八萬六千九百  
 三十九束二年五百四十三萬八千七百四十五束大德元年五百五十  
 九萬四千九百六十二束二年五百六十七萬四千二百四十四束九斤  
 三年六百七十九萬二千四百四十九束四年六百七十萬六千四百七十

永樂大典卷一一五九八

十七

束六斤五年五百二十一萬二千八百九十束六年六百四十六萬六千  
 五百二十三束五斤七年五百三十六萬三千二百一束八年八百四十  
 四萬九千二百七十六束九年二十一萬五千五百二十八束十年一千  
 二十八萬九千二百束十一年一千二百八十六萬八千四十一束五斤  
 至大元年九百九萬二千八百五束二年七百八十八萬五千七百一十  
 七束三年一千三十四萬七千六百七十九束四斤四年七百六十四萬  
 一千九百八十三束一斤皇慶元年八百六十萬六千四百四十二束五斤二  
 年九百二萬五千九百九十九束九斤延祐元年七百九十四萬六千二百二  
 十七束二年八百一十六萬七千四百三十束六斤三年九百一十一萬  
 五千三百九十九束三斤四年九百一十九萬六千四百二十七束四斤五  
 年九百六十一萬五千九百八十七束六年九百六十九萬五千九百六  
 十四束七年七百三十八萬二千八百七十六束六斤至治元年八百三  
 十七萬六千五百九十四束八斤半二年七百二十一萬四百一十九束  
 五斤三年一千九百八十八萬二千八百八十八束泰定元年一千一百三十六萬  
 三百一十束二年九百六十四萬九千三十六束五斤三年八百八十八  
 萬四百三十三束五斤四年八百七十萬九千四百五十五束八斤天曆

元年八百三十二萬一千二百九十八束七斤。二年九百二十一萬六千三百二十八束。建炎以來朝野雜記行在諸軍馬草行在諸軍馬草每年計三百六十萬束。每束戶部降本錢百文。下浙西漕司於諸州收買。其十六萬給以推貨務見錢。關子二十萬。給以本部案名錢。科降紹興三十一年。殿前司既獻酒坊六十五。戶部因請以其淨息錢三十六萬。給專元馬草本錢。而以連年合降本錢收糶馬料。從之。四月。年未大抵馬草料錢約計七十餘萬。宋王之道相山集預置大軍馬草劄子。契勘大軍見戍。准上將來合用馬草理宜預行計置之道。竊觀紹興六年秋。劉少保宣撫。准西日其他措置。事謬固不可毛舉。緣數而最為擾民者。馬草一事。宣撫司行下安撫司。安撫司行下諸州州行下縣縣行下保正長文。移牒函。雖雖催督起發。而不言其受納去處。州縣既已責辦。保正長更不肯為申明。保正畏迫於程限。且畏軍法。正當糶糴。執麥之際。盡起保內丁壯人負草。四來自朝。至暮。傍徑道塗。東西南北。莫知所向。如是者。幾一月。後來寇退。既就廬州置場。史納而其受納官吏。務在請賕。既為阻節。斯民既苦。一月無處交納。幸有其交納處。不復計較。所費由是每草一束。會計水運亦不下四百金。其負擔者。往往至正七倍。深可憐憫。欲乞朝廷明降旨。揮自今

永樂錄卷萬五千九十八

十八

民間所科馬草除情願般赴軍前交納人戶外。餘聽未納錢二百文。省當夏秋閒暇。時官為召募老弱不堪出戰之兵。於汭淮及安豐塘并廬壽界有塘礮去處。株斫堆梁。集備緩急。應副大軍。支遣庶得不奪民間不煩民力。而軍儲預辦。緩急不致誤事。豈曰小補哉。李忠定公集乞令張懋一應副糧草劄子。臣昨已得旨。令張懋張益謙。應副本司糧草除張益謙已往。劉給軍前外。張懋近准尚書省劄子。令往中山府置司。糶買本司。因漕臣應副。竊恐誤事。兼糶買自來。只合委官。不須置司。伏望聖慈。持降奉旨。令張懋專一。應副本司糧草。其中山府糶買。令委官前去施行。取進止。御筆依奏。卿一面作奉。聖旨行下。許景衡橫塘集乞備兩京糧草劄子。臣訪聞東京近日所管糧草不多。守禦之計。所宜預備。伏望聖旨。下宗澤契勘合用人馬之數。每月約支若干。今來倉場見在可支幾箇月。其未足之數。伏乞下戶部。速與那撥綱運。應副其應天府人馬。全然數少。理合增置。其糧草亦乞依此施行。庶使向後不致闕事。凡此皆今日之急務。伏乞聖慈。特賜留神。臣不勝懇切之至。取進止。乞備兩京糧草第二劄子。臣今月初五日。曾具劄子。為東京所管軍糧不多。乞令宗澤契勘合用之數。下戶部。疾速那撥綱運。應副及應天府所管人馬數少。若蒙分兵防守。亦

合措置約支。曷種二事。最為急切。至今多日。未蒙指揮獎勵。去年東京和  
雜費。助理費。今來汴水向淺。竊恐網運漸艱。欲乞詳酌。令兩京措置和雜  
或只坐倉支錢。則公私兩便。及戶部那撥。網運應副。並望睿旨。下所屬疾  
速施行。或稍後時。則不及事矣。取進止。劉元城。盡言。案請。畿內買草事。  
右臣伏見熙寧以前。左右騎院。及天駟牧養等十坊。監馬數。蓄息。每至  
冬月。並運廩下。芻秣之費。極為浩濶。常賦所入。既不能給。於畿內十七  
縣。市草五百萬束。謂之體量。和買。蓋立法之意。本令相度。逐歲之豐凶。而  
制拋降之多寡。未嘗增減。為一定額也。其後坊監併廢。國馬浸少。拘文之  
吏。因循不言。前日畿邑之草。依舊收買。雖係災傷。無敢放免。而又不支見  
錢。以布准折。官定布直。既已甚高。及其估草。則反太賤。比之市價。不能及  
半。或遇水旱之災。民間無草。即每束止令輸錢。又比折布。往往倍費。是於  
二稅及諸色差科之外。加此一重無名之賦也。臣聞諸縣。庫蓄有民間  
納到草錢。推此言之。足見坊監馬食有餘。可以裁損。欲望聖慈。明敕主者  
今來每歲。獎勵國馬的確。合用之草。約常賦所入。向或不足。方許量加。寬  
剩拋降。委提點司。體量逐縣之豐凶。隨其分數。依時和買。若大段荒歉。全  
無收獲。即並與免放。不使納錢。庶幾民力稍寬。均被聖澤。元王憐秋。潤集

乞徵間取牧馬地草。來事狀。今察到涿州站。塔占牧馬地內。有熟地二  
百七十七頃。二十二畝。每年召人租種。每畝收粟三升。得草一束。為此取  
到管站官。提領馬仲祥。呈。並與所察相同。今扣算得上項地畝。每年計取  
粟八百三十一石六斗六升。得草二萬七千七百二十二束。且自至元三  
年。為頭至今四年。計粟三千三百二十六石六斗四升。得草一十一萬八  
百八十八束。據此。合行糾彈。又為收刈秋青草事。照得每年和買。應  
辦得草。不下六七百萬。拜。才方數月。切見燕京順天等處。蝗虫水滸。若全  
依年例。和買。切恐臨時。稅誤。合無籍此。秋間。令從長計置。秋青等草。如法  
積聚。向前。兼載。支持。用度。官民。似為兩便。據此。合行具呈。而清泉。需庵。集  
繼。對食。事。額。罷。鹽。折。草。擾。擾。民。情。散。不。收。片。言。寧。肯。憊。窮。慈。不。知。勇。暴。  
誰。遠。種。直。要。蒼。生。死。即。休。數。口。未。償。前。日。債。一。書。  
今。洗。百。年。憂。作。來。蕭。鼓。連。天。響。昨。夜。春。風。入。畫。樓。

# 永樂大典卷之一萬一千五百九十八